



五三三

丁丑年

序

蓋聞風雅頌之降為騷

賦樂

府歌行近體之降為詩餘此

時數代遷然耳自太白菩薩

蠻憶秦娥諸調創始而永叔



序

子瞻少游輩後先繼美光能
照乘翼擬垂天猗歟盛哉至
元崇北調明倡南音體制抑
揚有關運會迄今時逢

盛世運際昌期其間人文蔚起

鼓吹風雅者所謂家握靈蛇
戶藏荆璧也然而歌詠本乎
性情故詞之爲體以纖婉香
弱爲致若涉麤俚未免將軍
綽板之誚而性以生情有動

于中自感于外是其纏綿悱
惻激揚慷慨聆其音聲可以
泣鬼神驚風雨且從來孝子
忠臣俠人貞士無不本此以
出之而後舉天地非常之業

爲庸俗所駭汗者莫之致而
自致也夫性不類則情亦不
類又安能發言成章而神聽
和平哉矧夫爲詞又情之最
焉者耶余與徐彭年先生

交有年矣悉其爲人沉毅篤
摯蓋砥行修身士也司馬山
川元龍湖海閱歷旣多襟期
瀟灑余同在端州 制軍幕
府歷有年所一夕酒酣耳熱

出所著清懷詞集見示讀其
詞言情則矚動色飛歎賞微
雲疎雨憤時則風馳電掣咸
驚激浪崩雷合歡奏曲如攀
蠲忿之花紅豆生香亦有相

思之種文雖近于變聲義不
詭乎正雅玉釵羅袖均有指
歸杜若江蘼並增比興是不
可以一格相繩洵乎才全能
鉅而合于性情之正以繼歐

蘇輩之盛者也將見雞林紙
貴協律聲傳是亦有符于運
會之隆而與泰階平並奏者
寧不爲西子湖生色耶遂引
觴亟浮大白而爲之序

昔

康熙己卯清和年家眷弟孫
元芳書於端州之文來閣



題辭

原夫張華妍豔而兒女情多
早開元曲之派潘岳聲華而
絳朱錦燦已泛樂府之波元
白長篇賦繡嶺連昌之感杜

陵秋興。緬昆明漢使之遺。莫
不借物題騷。因詩寓史。詞多
託興。志每寄懷。各有專家。傳
於往代。青燈夜雨。幽吟時出。
於高樓碧樹。垂楊坦步。每遲。

於花外。推敲旣就。冰雪全清。
衛叔寶之言。愁茫如江水。謝
元暉之寄眺。人是青山。描閨
閣之形容。極懽儂之意態。妍
思迭發。麗響孤吹。碧海波沉。

拊心何限。紫臺雲鎖。回首難
堪。蕖檜臨扉。遂有蕭郎之賦。
旅葵蔓井。自多何遜之悲。千
古才人。經劫燒而貌怒。臨叩
貴客。遇佳景而情移。大抵如

斯。有由然也。

彭年徐先生。特具勝襟。夙標
秀骨。人同繡虎。才號雕龍。情
隨一往而深。態歷四時之變。
蘭橈轉去。洞庭隨落木之波。

海懷詩草
三
蠟屐攜來雲夢踏。經冬之雪。
揖幔亭則羹墻如見。訪匡阜
則興會常移。淚濕青衫腸斷。
江州之司馬歌。迎絳節手招。
鯉湖之仙人。事感性情。人諧

今昔嗟乎宮槐霜落。詎云憎。
命文章戶草風刪原異。問天
啼嘯偶逢解語之人。種得相
思之樹。出香山而盡解。別有
襟情。因許椽之所長。自多婉

清懷詩草
約。織。手。奉。珊。瑚。之。筆。香。奩。傳。
芍。藥。之。辭。述。夢。途。遙。懷。人。寐。
短。獨。備。雅。人。深。致。不。止。詞。客。
風。流。爾。乃。對。綠。樹。與。碧。波。悵。
東。晴。而。西。雨。生。憎。杜。宇。啼。殘。

翠。玉。之。條。暗。祝。石。尤。遮。斷。紫。
驢。之。路。所。思。不。見。托。辛。苦。於。
東。風。行。路。甚。難。牽。羈。愁。於。西。
塞。春。卮。正。熟。卿。語。堪。憐。莫。不。
柳。讓。思。長。花。因。勝。剪。至。其。肝。

清便詩草 五
膽相傾。然諾必踐。以友朋爲
性命。訂車笠於生平。詠美人。
西方之章。酒酣耳熱。唱大江。
東去之句。興發神豪。到處名
山。堪藏副墨。積成卷軸。至於

多篇。拈花弄草。自堪繼涪翁。
而齊名。贈編班荆。庶幾藉曲
江以通意云爾。

柳洲弟丁棠發拜撰。



序

晴光拂面微行榕樹之陰暑
 氣侵人小坐松根之側忽逢
 舊雨攜示清詞雲霞之鮮彩
 爭飛蘭蕙之幽香密遞塵襟

頓滌病骨先蘇。固紫府之仙。
木爲今韻士。實青睛之雋裔。
洵我宗英。偶得挹此餘波。輒
已推爲傑作。珠圓璧潤。勝玉
樹之遺音。海立山狂。軼瓊花

之剩譜。駕羊車而入市。冰雪
韶姿。握羽扇而麾軍。風騷名
將爰遊蓮幕。遠度梅關。意氣
縱橫。才情跌宕。銅盤架燭。操
鉛筆而輕揮。鈴閣開樽。撫紅

牙而細按宮商悉叶蹊徑俱
新被之絃歌則鳳竹鸞絲音
和而正語其標格則蒼松翠
栢骨老而堅旣善言愁尤工
詠物蛾眉絕世驥足空羣始

知七尺珊瑚人間甚少詎意
千叢芍藥筆下齊開矧吾郡
之名流乃斯文之鉅手久同
晨夕自契椒蘭醉後勻箋定
有聯吟之樂興來鼓掌必多

得意之篇。徒有馳神。無由展
誦。媿鄙言之。靡當藉法。眼之
旁觀。戲語孔璋。寄聲公叔。君
無靳也。余亟望之。

峇

康熙己卯清和十日宗弟覽
題於羊城官署之老樹庭



清懷詞草

目錄

春日

望江南

春夜

前調

詠孤山梅

菩薩蠻

岳鄂王墓

鷓鴣天

春水

南浦

送春

烏夜啼

採蓮 清平樂

秋感 憶秦娥

吳山秋望 行香子

惜別 轉應曲

武昌 羅敷婚

籠中画眉攜桂舟上 眼兒婚

春晚 木蘭花令

鬪草 醉公子

籠中鳥 踏莎行

籠中鳥語 前調

乞巧 鵲橋仙

客楚逢 母忌辰 鷓鴣天

秋旅 拋毬樂

楚中九日 點絳脣

除夕 羅敷婚

新春夜雪 一剪梅

詠紅白二鸚鵡 點絳脣

閨情 菩薩蠻

詠風蘭 減字木蘭花

輓高上伊 滿江紅

題郭宗臣傳後 鳳凰臺上憶吹簫

漁父 漁歌子

卽意 月中行

牧童 小重山

惶恐灘 憶王孫

重陽前一日舟次泮江 錦纏道

九日江上 賣花聲

重陽後一日舟次作 醉落魄

旅夜 拋毬樂

樵子 法駕導引

落梅 清平樂

五層樓 減字木蘭花

泛惠州西湖
百字令

望夫石
眼兒嬌

端江春棹
江亭怨

春日憶西湖
菩薩蠻

清明
掃花遊

送友歸京口
賣花聲

春雪
桃源憶故人

夜雨
生查子

午日
醉花陰

江上芙蓉
木蘭花令

秋江晚棹
踏莎行

重遊梧江
如夢令

九日偕友登蒼梧龍洲
漁家傲

蒼梧懷古
滿江紅

夜泊封川
蘇幕遮

風阻歸舟
虞美人

除夕用自鳴鐘傳雙柑行酒

賣花聲

元夜 醉春風

贈星巖上人 鳳凰臺上憶吹簫

花朝 醉花陰

閨情 鷓鴣天

焚欖核放蘭 菩薩蠻

春半 東坡引

遊雷州西湖 減字木蘭花

欽州天涯亭 清平樂

梨花夜月 踏莎行

九日霜降登鎮南樓 虞美人

壽友 滿江紅

爆竹 眼兒嬌

初春遊七星巖 臨江仙

陳九範自滇之粵歷江浙而還賦贈 鷓鴣天

夜雨 南鄉子

水仙桃花並置案頭

臨江仙

閨情

釵頭鳳

村居志

齊天樂

春遊

長相思

螢火

羅敷媚

秋情

唐多令

七夕

鵲橋仙

秋夜登文來閣

菩薩蠻

中秋無月

西江月

家音久不至適同學陳子機先赴粵稍悉

西冷風景賦此

蝶戀花

戊寅除夕

減字木蘭花

詠紅白二鸚鵡

踏莎行

夾竹桃

臨江仙

壽孫靜菴

清平樂

秋夜偕張魯傳登飛雲樓

摸魚兒

清懷詞草

滇南福清洞天二十四詠目錄

仙人杵 楊柳枝

招隱峯 踏莎行

環玉亭 巫山一段雲

宛轉溪 南鄉子

琴臺 浪淘沙

釣磯 錦堂春

水雲窩

減字木蘭花

煙霞窟

少年游

三生坪

卜算子

小龍湫

武陵春

聽泉樓

山花子

墨雨菴

朝中措

猷丁

青衫濕

龍淙石室

好事近

雲川

浣溪沙

瀑布

菩薩蠻

一草亭

杏花天

小巫峽

羅敷媚

顛丈

醉公子

臥石

清平樂

菩提泉

眼兒媚

洗鉢潭

虞美人

花紅園

蝶戀花

石香橋

唐多令

清懷詞草

長樂郡
振錄西
請卷七

錢唐徐長齡彭年著

當湖徐覽竹田

評

西泠孫元芳靜菴

望江南

春日

春寂寂。簾捲午風微。歌罷黃鸝眠翠柳。舞餘紫燕弄香泥。遲日小窓西。

自然
幽雅

春夜

春漏悄。紙帳客身輕。幾點梅花飛入夢。半簾蟾影漫移情。縹緲楚雲橫。

無限春情
隱躍言外

菩薩蠻

詠孤山梅

西泠橋畔孤山側。曾攜蘇小邀春色。鶴去不知

還。亭空月自閒。湖開妝鏡曉。瘦影何堪照。惆

悵。一年年。香風帶画船。

正如夢覺羅浮
月落參橫時候

鷓鴣天

岳鄂王墓

破敵寧忘百戰功。金牌疊召挫英雄。惟教酷吏推三字。更有誰人念兩宮。煙漠漠。水濛濛。一腔正氣貫長空。偏安帝子今何處。冷落南枝夕

清懷詞草
照中

筆力高古
可續史斷

南浦

春水

新雨漲紅陂。柳成絲。拂拂漫披清鏡。幾度燕雙
來。爭飛處。點破一天雲影。斜橋古渡。涓涓流出。
臙脂冷。適意香波。畱不住。遶到天涯無盡。曉
來翠黛開妝。展瓊紋。懊殺東風難定。自別浣沙

人情懷懶。從此蓮歌愁聽。相思何限。甚時消得。
江南恨。爭似楊花飄泊。後脉脉。又成萍梗。

字字幽禱。不冗不復。與碧
山笑翁春水詞俱堪並峙。

烏夜啼

送春

子規啼遍青山。幾時閒。已見花飛紅雨。柳飛棉。
春欲去。歸何處。總無言。料是碧波深處。野雲
邊。

花間集
中妙語

清平樂

採蓮

輕衫窄袖。剛露纖纖手。画槳漫移波不皺。鏡裏
全身如繡。臨流婉理歌音。歌闌猶是沉吟。莫
把蓮花輕折。絲多恐繫人心。

風流獨擅
雅艷絕倫

憶秦娥

秋感

風淅淅。小樓吹落梧桐葉。梧桐葉。零煙剩雨。做
成秋色。白雲飛去無消息。含情一片西湖月。
西湖月。斷橋流水。為誰嗚咽。

淒清婉至
善繪秋容

行香子

吳山秋望

山勢岩堯。翠聳青霄。每登臨無限逍遙。左瞻右

清懷詩草
盼攬入詩瓢。有滄海雲。西湖月。浙江潮。金粟
香飄。白雁風高。對良辰。滿飲葡萄。人生一夢。世
事秋毫。且臥煙霞。友麋鹿。伴魚樵。

參差崎麗
氣象萬千

轉應曲

惜別

雞唱雞唱。曉月尚餘羅帳。依依未盡離樽。門外
馬嘶去。人人去。人去。人去。今夜夢隨何處。

旋轉極自然
迴合之妙

羅敷媚

武昌

湯湯江水東流急。萬疊雲山。千點風帆。遮莫征
夫行路難。古今多少傷心事。黃鶴樓前。鸚鵡
洲邊。又見春深啼杜鵑。

一氣揮成。又復紆曲。萬狀如
讀太白千春傷我情之句

眼兒嬌

籠中画眉攜挂舟上

盈盈何事上蘭舟。端不解離愁。繡幃偷覩，画欄閒倚，忒殺風流。曉來羞對菱花照，且自試歌喉。含情只為遠山帶雪，京兆難留。

白眉猶可画乎

木蘭花令

春晚

春來春去春無限。盼得春來春又晚。東風剪剪

雨絲絲。一任落花渾不管。韶華總是難留戀。

何似年年復更換。堪憐多少錦屏人。默對梁間

雙語燕。

惻愴韶華情致委婉

醉公子

鬪草

阿儂昨鬪草。嫂嫂偏輸了。賭下玉搔頭。如何就肯休。今宵還不與說。向哥哥。哥哥取。只是坐房中。

籠中画着攜挂舟上

盈盈何事上蘭舟。端不解離愁。繡幃偷覩，画欄閒倚，忒殺風流。曉來羞對菱花照，且自試歌喉。含情只爲遠山帶雪，京兆難畱。

白着猶可画乎

木蘭花令

春晚

春來春去春無限。盼得春來春又晚。東風剪剪

雨。絲絲一任落花渾不管。

韶華總是難畱戀。

何似年年復更換。堪憐多少錦屏人。默對梁間雙語燕。

惻愴韶華情致委婉

醉公子

鬪草

阿儂昨鬪草。嫂嫂偏輸了。賭下玉搔頭。如何就肯休。今宵還不與說向哥哥。哥哥取只是坐房中。

憑伊發付儂

柔情媚語婉
似十三女兒

踏莎行

籠中鳥

飲啄花間。翩躚柳陌。自來自去閒情適。却憐憎。
弋。滿。天。涯。綠。陰。望。斷。青。山。隔。漸。遠。枝。棲。深。慚。
就食。離情還憶。雙飛翼。直教撞破此籬籬。貯看。
雲。路。冲。霄。翮。

兩作深得
詞中比體

籠中鳥語

淑氣催花。晴光消雪。小欄杆外音嬌怯。羈人興。
味已蕭然。無端又聽般般說。閑處偏幽。斷時
還接。吟風嘯月無休歇。只因聲巧受牢籠。如何。
籠內還饒舌。

可發
深省

鵲橋仙

乞巧

霞橫綴錦雲。移疊翠。梭月當空如織。滿庭瓜果
競新鮮。都是向天孫相乞。愧予疎懶。無求他
術。忍聽人嘲癡癖。一惟忘却此機心。恐弄巧何
如藏拙。

洗盡陳言翻案更妙。梭月二字惟七夕最確。

鷓鴣天

客楚逢 母忌辰

憶母離塵忽廿年。教兒無日不悽然。牽裾夢裏
迷蝴蝶。拜掃塋前泣杜鵑。勤畫荻。苦熊丸。一
經未就愧先傳。旅中此日逢親忌。寸縷心香爇
楚天。

慘踰陳情不堪再讀

拋毬樂

秋旅

暮雨瀟瀟莫放歌。征衫老矣歎蹉跎。飄來黃葉

知多少未到西風尚幾何爭似雲邊雁縱落天涯
涯歲一過

黃葉西風句若交輝樓之神助

點絳脣

楚中九日

最是關情風風雨雨重陽候樓頭呼酒可當登
高否楚岫吳山兩地都辜負黃金友見儂着
皺也覺顏消瘦

把人似黃花瘦倒說更覺新奇百倍

羅敷媚

除夕

雙丸旋轉如飛駛百歲良辰錯過三分今歲依
然去歲人舉盃暗向梅花祝為我殷勤傳意
東君莫把新春似舊春

大似洗馬言愁天可問乎

一剪梅

新春夜行

早被寒風結凍雲。山也氤氳。水也氤氳。一枝初
破六花新。梅也爭春。雪也爭春。千里情懷醒
似醺。思也。因循夢也。因循。數聲殘角起城闌。人
也。消魂。雁也。消魂。

纏綿

淒艷

點絳脣

詠紅白二鸚鵡

春。光。搖。漾。雪。兒。起。舞。紅。兒。唱。宮。妝。新。樣。鎮。日。邀
清。賞。閒。倚。東。風。桃。李。爭。先。放。雕。欄。上。兩。情。相
向。幾。度。憎。惆。悵。

有聲有色確
是寫生妙手

菩薩蠻

閨情 迴文

淡。煙。籠。竹。幽。庭。晚。晚。庭。幽。竹。籠。煙。淡。斜。月。映。窓。
紗。紗。窓。映。月。斜。戲。言。微。露。意。意。露。微。言。戲。伊。

笑我頭低低頭我笑伊

全首巧妙無
縫天衣也

減字木蘭花

詠風蘭

瓊英玉質不向花叢惟獨立。楚楚風前翠帶飄。
颺似降仙。幽懷高逸。吸露含香清且潔。瀟灑
無邊。月夜閒陪鸚鵡眠。

時鸚鵡風蘭
並挂簷前

末句題外生
情波過不竭

滿江紅

輓高上伊

舊燕來時覓不見。東君顏色惟餘着。蕭蕭蠹簡
森森麟筆。指底龍蛇歸碧漢。胷中河嶽畱丹帛。
只堪憐。載酒問奇人。悲遺跡。暢叙事。西園集。
隨自適。東山屐。憶長吟。孤嶼。遂成今昔。越水蒼
茫。潮斷落吳山。慘淡煙重疊。更桃花。歷亂子規
聲。零紅血。

一起卽
悽然

鳳凰臺上憶吹簫

題郭宗臣傳後

半壁鴟張羣林虎嘯哀哉玉石俱焚把蛾眉幾
許驀地釵分回首夫山望斷情慘處淚溢江津
試看取青楓嶺上風雨飛魂沉淪了無生趣
正黃泉密邇白刃堪親賴英雄義激破產全人
惟冀扶持名節援溺手旋轉乾坤看處處珠圓

璧合謳頌千春

悲壯

漁歌子

漁父

綸竿收罷傍汀灣淺入蘆花月半船雲影靜水
光寒數盡飛鴻落碧灘

具此襟懷自
能勘破屈項

月中行

卽意

琉璃萬頃湛虛明。風靜晚波平。輕橈漫向鏡中，
行。撩亂一天星。銜杯未盡滄江意。蓼花汀裏，
放歌聲。歌來不是不堪聽。恐起故園情。

更深一層
無限悽惋

小重山

牧童

繡陌欹斜接水汀。清秋霜未落。草還青。兒童驅

犢出柴扃。閑時牧。明歲好春耕。兀坐小茅亭。
臨風吹短笛。兩三聲。夕陽歸去踏莎行。徐步穩。
不羨馬啼輕。

一幅牧
笛圖

憶王孫

惶恐灘

長波驟落勢如奔。千里飄蓬幾斷魂。嘹唳征鴻
度嶺雲。最難聞。惶恐灘頭惶恐人。

讀此較惶恐難頭
說惶恐更有深意

錦纏道

重陽前一日舟次牂江

節○近○重○陽○擬○有○幾○番○風○雨○客○衣○單○尚○縈○心○緒○連
朝○曉○日○明○沙○渚○可○見○陰○晴○却○也○無○憑○據○ 歎○名
疆○利○場○千○謀○百○慮○到○其○間○恁○般○情○趣○看○漁○人○換
酒○烹○鱗○與○妻○兒○暢○飲○盡○是○輸○他○處○

全似北宋○達人
語未易與俗人道

賣花聲

九日江上

秋○氣○滿○林○臯○雲○度○山○腰○遊○人○雜○踏○去○登○高○我○獨
臨○流○閑○鼓○枻○江○上○逍○遙○ 白○荻○亂○飄○颻○無○限○蕭
條○強○將○萸○酒○把○愁○澆○佳○節○年○年○都○誤○却○不○在○今
朝○

逼似
放翁

醉落魄

重陽後一日舟次作

西風吹曉。又客裏重陽過了。東籬黃菊看看老。蝶怨蜂愁。付與斜陽草。是非却笑空勞擾。不知白髮添多少。漫移青鏡臨流照。對影商量。歸計還須早。

秋月當空

爽人懷抱

拋毬樂

旅夜

欲步閑階怯露濃。匡牀獨坐對絲桐。半簾疎影斜斜。月一縷。沉煙欵欵。風何處。梅花曲。遶盡關山。客思中。

細潤

法駕導引

樵子

樵青去。樵青去。踏破隴頭雲。無限幽奇探不盡。野花處處白。依人鳥語隔溪聞。

醒人
心眼

清平樂

落梅

笛聲初歇。簾外飛香雪。夢逐梨雲歸路別。冷落
一枝殘月。清溪流。水溶溶。誰知又向橋東。未
許騷人相見。恐他辜負春風。

斷粉零香無牽
枝帶葉之妙

減字木蘭花

五層樓

五羊去後。誰作層樓連北斗。俯瞰珠江龍女乘
潮泛。夜光旂亭萬井。柳色參差相掩映。浩海
無波。益見艤、鱣、巨、艦、多。

氣色崢嶸
盛世景象

百字令

泛惠州西湖

杭有西湖粵之惠雷二郡亦
有西湖皆坡公築堤遊賞之

處惠州湖上有朝雲
墓卽坡公愛妾也

平湖十里。似武林名勝。雷陽佳致。都是坡仙遊。冶處一樣嘉名。西子桂檝。蘭橈詩瓢酒盞。浮幻人間世。朝雲去後。不知何限情味。我至景物堪嗟。斜陽煙草。漫把輕舟。艤縱待花開。花又謝。爭似故園桃李。明月灣頭。清風亭畔。淡蕩無窮意。天涯倦客。一樽誰與同醉。

坡老有靈亦增感慨。明月灣清風亭天然巧合。

眼兒嬌

望夫石

堅持不是等閒身。恰似有情人。朝朝凝竚。雲山縹緲。何處逢君。秋鴻社燕。更多消息。總因循。誰憐憔悴。霜侵短鬢。露點啼痕。

無情寫得有情。是文心靈映處。

江亭怨

端江春棹

包孝肅公治端廉潔。還朝時僅攜一硯舟行。風起將硯投諸水。

濱名硯。瓦洲。

綠漲半篙新雨。微沐幾村煙樹。春色尚纏綿。鷺鷥倦還沙渚。偶憶當年遺語。硯石拋畱何處。招手問漁人。一笑棹歌而去。

一棹扁舟
入水雲

菩薩蠻

春日憶西湖

六橋此日舒紅綠。湖頭西子新妝束。水面鏡含光。遠山眉黛長。他鄉風景異。縮地愁無計。歸

得到杭州丹楓別樣秋。

鄉景固佳思歸亦
切不覺現于筆端

掃花遊

清明

晴光蕩漾。正草色連天。踏青時候。攜樽覓友。儘從容散步。追蹤花柳香。襯輕風何處。鶯聲滴溜。君知否。看纍纍紙錢零亂。高阜浩渺空宇宙。任春去秋來。烏馳兔走。青山似舊。只消磨英俊。

漸成衰朽。世路堪嗟。多少雲翻雨覆。休回首。且謳歌擊壺呼酒。

古今同慨

賣花聲

送友人歸京口

曉起望河干。堤柳含煙。恁般離別最難言。妙境無如歸去好。一路啼鴉。情緒話當年。兒女燈前。桑麻雞黍樂無邊。若過武林尋故友。家傍吳

山

讀之令人歸興躍躍

桃源憶故人

春雪

紅堆綠砌清明近。又見玉花成陣。鶯燕不知因甚。驀地教他冷。非關滕六畱餘興。還是東君幽韻。惟恐春容消褪。故傳些兒粉。

傳粉句生新得妙

生查子

夜雨

徹夜雨零零。不住來階砌。一夢幾惺忪。依舊人
千里。門外舞梨花。門閉殘燈裏。誰念客衾寒。
風自垂楊起。

何恨深情

黯然魂斷

醉花陰

午日

幾番梅雨薰風轉。又近端陽宴。鼉鼓震波心。何
處蛟龍日暮。猶酣戰。靈均獨醒徒心亂。世事
何須辨。欲遣古今愁。謾讀離騷。且把蒲觴勸。

世事何須辨何等塊

壘當以斗酒澆之

木蘭花令

江上芙蓉

天姿瀟散情何許。淺暈紅霞輕帶雨。如他懶上
玉人頭。寂寞西風陪客侶。幾回沉醉鴛鴦渚。

未識誰牽幽夢去。征鴻叫破一天秋。只是慙慙
嬌不語。

嫵媚千般寫
盡錦城佳致

踏莎行

秋江晚棹

步友人韻

雲影浮空。波光含素。蘭橈疑似天邊渡。相看面
面。是青山。未知何處來時路。落葉驚飛。歸鴉
知暮。斜暉漸向疎林度。青帘隔浦。酒家深。提壺

覓箇漁人去。

面面是青山二句無人
能道是秦柳柔情綺句

如夢令

重遊梧江

記得黃梅雨後。舟繫小橋垂柳。轉眼忽驚秋。又
見芙蓉消瘦。知否知否。贏得溪山依舊。

流麗芊綿
淮海之匹

漁家傲

九日偕友登蒼梧龍洲

百尺蒼巖危且峭。中流獨立疑瀛島。攜友登臨
踞虎豹。人罕到。空亭落葉西風掃。遠岫雲飛
天際渺。移來數點征帆小。滿目煙波看未了。鴉
亂噪。斜陽挂樹催歸棹。

別有天地
非人間

滿江紅

蒼梧懷古

梧江口有火山相傳南越王埋
劍處夜間常起火光土人建

真武祠
鎮之

弔古悲歌猛記省。當時英傑談笑把蠻獠。攝服
霸稱南越五嶺空。餘雲與霧一江惟。有煙和月
尚流傳。山內隱龍泉。光明滅。天涯路。身如葉。
今古事。憑誰說。幾疎狂搔首。頓更毛髮。感慨不
停杯。內酒徒教擊碎舟中楫。那堪聞斷雁。叫西
風。聲。嗚。咽。

氣魄雄壯歷
倒辛陸矣

蘇幕遮

夜泊封川

草離離。煙遶遶。露冷蒹葭。知是秋將老。只有青
楓。青且好。不受霜侵。却向西風傲。水聲幽。更
漏悄。獨倚蓬窗。明月山頭小。雁到天南書未到。
回首西樓。應有愁多少。此地楓青不落

此景可想
含蓄無限

虞美人

風阻歸舟

扁舟東下程無幾。半日堪歸矣。陰風頃刻怒聲
號。猛把江濤捲。得接天高。眼看世事都如許。
沒箇安排處。好將繩纜繫心頭。一任狂瀾只是
不隨流。

一日風波十二
時良可慨矣

賣花聲

除夕用自鳴鐘傳雙柑行酒

清懷詩草
世事夢邯鄲。那有常歡。一迴更歲一更顏。何況
子身千里外。且自盤桓。切莫放杯閑。共效傳
柑東馳西走。似雙丸座上。鐘聲纔數點。却又新
年。

此處鐘聲可喚
醒當場人否

醉春風

元夜

是處牟尼現。簾隔芙蓉面。小環遙指玉街西。看

看看一簇笙歌。幾般妝束。暗塵香滿。綵結多
新豔。勝事爭奇幻。麗譙不覺漏聲沉。散散散。月
淡。松梢露濃。花砌。画樓人倦。

綺麗不減
小宋風流

鳳凰臺上憶吹簫

贈星巖上人

香霧迷空。晴煙凝碧。東風早度江梅。看時隨物
意。默裏安排。池暖遊魚自樂。林深處。禽鳥徘徊。

清懷詩草
堪消受無邊山色日送青來
幽哉拈花微笑
把箇中消息試問誰猜
只巖前頑石知把頭回
靜對松風蘿月爽籟發天淡雲開
卽此是三乘妙品何處蓮臺

已入此
中三昧

醉花陰

花朝

綠楊影裏鶯聲巧
百轉啼春曉
剪絲繫花枝花

自多情不語微含笑
壯懷莫被風塵老
常把花簪帽
醺酒祝東風
惟願年年花下金樽倒

花旣多情
人應沉醉

鷓鴣天

閨情

淡淡遙山初拂成
柳絲搖曳蕩春情
流鶯婉轉
愁春老
蛺蝶翩躚怯絮輕
拋繡帖
啓簾旌
閑呼女伴看風箏
侍兒頻把鸚哥罵
偏是人來喚

小名

淡雅入情想
見盈盈笑語

菩薩蠻

焚攬核放蘭

倚蘭自是藏幽谷。何來几席陪銀燭。開向月移時。不教蜂蝶知。瓊英誠異品。瓣瓣黃金嫩。綉佩恐難禁。先灰一寸心。

題新
句秀

東坡引

春半

花憂春漸老。春惜花容小。柳絲拂拂隨風裊。閒情牽不了。閒情牽不了。欲畱無緒。欲回又早。長恨年年勞擾。關心杜宇枝頭叫。何如歸去好。何如歸去好。

借時景語
寫情愈深

減字木蘭花

遊雷州西湖

去年今日。曾作六橋花下客。走馬傳觴。任我沉
酣。歌舞場。今年今日。一樣西湖風景別。臺榭
荒涼。誰說他鄉似故鄉。

觀景懷思大
為西泠生色

清平樂

欽州天涯亭

空亭一覽。水色連銀漢。浩浩洪波舟汎汎。瞬息

弄潮人遠。回看幾點殘鴉。青山半是雲遮。但
把閒情。徙倚不知身在天涯。

天遙地遠
不堪回首

踏莎行

梨花夜月

明月鋪霜。梨花綴雪。月籠花影。花篩月。玉人步
月看花來。平章花月何分別。月欠清芬。花輸
皎潔。月應首肯。花無說。年年花發。月圓時。花前

清懷詩草
月下郎休撇。

不獨珠輝璧映實
鏤冰裁雲手也

虞美人

九日霜降登鎮南樓

星星兩鬢情如昔。遇景無虛擲。謾言山上是登高。我亦樓頭瞻眺也。逍遙。時來不見繁霜下。樹樹青如畫。白雲深處顫風鳶。始信嶺南氣候不同天。
粵中九月
放風箏

襟期瀟灑百尺樓
頭可想見斯人

滿江紅

壽友

爽氣迎人。漫瀟灑天香盈袖。登臨望嶺雲江水。紅移綠皺。窗外鳥聲和白雪。簾前竹影搖清晝。幾攤書一笑倚胡牀。羲皇友。壇坫上。操牛手。文苑內。詼諧口。且披襟放眼。徜徉林藪。六十餘年詩格老。十千沽酒歡腸舊。若而今補入飲中。

仙。堪。稱。九。

重俗題目
輕清手腕

眼兒媚

爆竹

不知誰箇巧安排。消息暗中來。庭除忽覩晴空。
飛雪未雨驚雷。兒童掩耳還深避。旅客更縈
懷。聲聲只是催將臘去。喚轉春回。

小題大做
纔見手眼

臨江仙

初春遊七星巖

風景迷離簾幕靜。忘機自得悠然。醒時枯坐醉
時眠。梅花信杳。誰識是新年。偶向郊原聊散
步。韶華頗覺鮮妍。香車寶馬遍星巖。方知春色
早已到人間。

桃源不知人世星巖轉識
新年山川今古感慨係之

鷓鴣天

陳九範自滇之粵歷江浙而還賦贈

一別昆明萬里遊。景逢佳處漫題畱。梅開庾嶺邀青騎。月到西江帶画舟。眠細草。醉層樓。吳山頂上看潮頭。歸來樹樹啼黃鳥。香度春風興未休。

落筆

豪爽

南鄉子

夜雨

夜雨溢西河。點點聲聲濺綠波。曉倚綺窓閑細數。消磨謝了桃花一半多。春意付青莎。枝上黃鸝不耐歌。惟有燕兒忙未了。如梭。覓得香泥砌小窩。

趣絕韻絕尚書紅杏司勳綠葉不能專美于前矣

臨江仙

水仙桃花並置案頭

湘浦波間步淺。武陵渡口霞烘。屏山曲處乍相

逢冰顏畱夜月人面動春風
回憶煙迷露冷
那堪問息尋踪几前幽豔已無窮
不須紅白外
別眼看天工

一經品題便成佳匹
末二句翻詩恰合

釵頭鳳

閨情

雙雙燕來簾畔小姑昨約遊春苑
花移影徒疑
認望穿柳眼立穿苔印怎怎
低呼喚紅兒

探繡幃猶是慊慊倦
剛催醒纔臨鏡遠山初拂
亂雲將整整等等

前段是玩春圖後段是春倦
圖合做一處情態恍然在目

齊天樂

村居志

何年謝了風塵事
瀟灑水涯山麓木槿成籬梅
花遶屋再植幾竿修竹
清流一曲引入小窓前
快娛心目坐詠行吟
枝頭禽鳥伴幽獨
有時

隨意散步與鄰翁話舊講些耕牧自釀村醪尋
來野菽消受此中清福無拘無束算只有沙鷗
與他親睦日上猶眠趁黃梁未熟

自是羲
皇上人

○長相思

春遊

花盈蹊柳盈堤幾度輕風送馬蹄行行路轉迷
鶯兒啼燕兒飛草色回看一抹齊誰畱香印

泥○

玉勒金羈
春光駘岩

羅敷媚

螢火

迷離夢斷王孫路昔日青青今日星星遶砌穿
簾弱翅輕誰將紈扇頻搖曳欲墜還升乍滅
猶明忽上羅衣又不停

巧思濬發可謂筆
有化工胸無塵滓

唐多令

秋情

切○莫○問○西○風○蟲○吟○豆○葉○中○助○淒○涼○簷○鐸○丁○東○剩○
却○梧○桐○能○幾○葉○猶○飄○泊○到○簾○櫳○錦○字○且○從○容○
山○重○水○又○重○楚○天○遙○夢○去○無○踪○一○片○秋○江○和○月○
冷○誰○是○伴○木○芙蓉○

讀之覺蕭蕭瑟瑟
瑟滿幅秋聲

鵲橋仙

七夕

秋○空○乍○洗○涼○生○臺○榭○已○見○玉○舟○斜○亞○織○雲○脉○脉○
傍○銀○河○應○疑○是○金○梭○初○罷○他○鄉○風○景○良○朋○杯○
尊○且○是○醉○吟○花○下○休○嫌○人○世○別○離○多○天○上○也○經○
年○一○夜○

與金風玉露一相逢二句
意雖相反辭可同垂不朽

菩薩蠻

秋夜登文來閣

斷鴻飛去殘霞落。登臨一望秋蕭索。無語遶危欄。江流月影寒。芙蓉初墮粉。宿鷺誰催醒。觸處是離愁。來宵莫倚樓。

孤清

疎秀

西江月

中秋無月

冉冉雲垂翠幕。疎疎雨挂珠簾。天公恐把客情牽。故遣嫦娥掩面。薄酒堪消清夜。孤燈可伴

殘編。一枝金粟貯瓶間。幾度香生書案。

藉蘊

蝶戀花

家音久不至。適同學陳子機先赴粵稍悉

西泠風景賦此

心事闌珊冬欲盡。相對梅花。脉脉添凄冷。雲外自疎鴻雁信。清宵一夢家園近。有客南來先借問。西子湖頭。可似當年勝。桃李有情應也恨。

羈人依約無憑準。

一往情深

減字木蘭花

戊寅除夕

嶺南名勝。陟嶮臨流。探欲盡。幾擬言旋。不道淹

畱。又五年。梅花香老。依舊東風。桃李笑。暢飲

屠蘇。飲到更闌。醉也無。嶺南氣早春前桃李盡放

曾次落落自然筆底無塵

踏莎行

詠紅白二鸚鵡

濃抹。裁霞淡妝。剪雪翩翩。偶影誰憐。怯秋千。閑

挂綠楊。天媽紅媚。素堪相匹。舞亂春風。歌殘

夜月。那知暗裏傷離別。憑高一望故山深。更愁

山外雲重疊。

託興遙深具有風人之致

臨江仙

○夾竹桃

最愛庭除嘉植。欣欣不在春風。宜秋宜夏又宜冬。烟含淇水綠。霞散武陵紅。未染湘娥清淚。空教漁父尋踪。應知檢點費天工。扶疎兼豔冶。盡綴一枝中。

真確不容

假借毫髮

清平樂

壽孫靜菴

風清鶴立。愛護凌霄翮。委志琴書欣自得。瀟灑一天秋色。亭亭玉樹堦前。悠然嘯咏花間。自是籌添海屋。行看走馬長安。

惜墨

如金

摸魚兒

秋夜偕張魯傳登飛雲樓

夜何其。霞飛雲斂。涼蟾天半微吐。望中烟樹重。重綠未識。秋來何處。渾無據。看瞬息年華。又逐

西風去。星移斗渡。只樓外、青山城邊、碧水歷盡、
幾今古。天涯路。匣內青萍空悞。鏡裏朱顏非、
故漫教砧杵牽離思。且樂醉鄉歌舞。君莫訴。君
不見尉佗臺榭。今塵土。憑欄聽取。有幾曲漁歌、
數聲橫竹。欸乃入南浦。

蘆中人喚

醒何限

滇南福清洞天二十四詠

予未嘗游六詔望之若五彩雲在天末
也巳卯春 蘭谷上人來粵以福清洞
天二十四觀繪圖見示并索詩詞因擬
里言二十四關僅於紙上摸索究未悉
其真奧聊志臥游以與 蘭公拈花一
笑耳

楊柳枝

仙人枰

山深一片白雲迷。誰說仙家也賭碁。局罷枰空
何處去。不畱黑白。教人移。

天然
妙語

踏莎行

招隱峯

塵網堪嗟。名疆可慮。靜觀今古都如許。青山有
意不須招。也應尋到山深處。剪芰為衣。編苴

作履。徜徉自得無窮趣。有時松下抱琴眠。悠悠
一任雲來去。

胸次
洒落

巫山一段雲

環玉亭

斷岫畱雲補。虛亭耐客閑。涼生曲檻一溪灣。幽
聲雜珮環。舉酒花為勸。鳴琴鶴自軒。流霞橫
抹翠微間。徘徊看鳥還。

竟體
皆妍

南鄉子

宛轉溪

香徑曉煙收。一水紆迴幾曲流。魚意亦知春色好。悠悠尋到桃花浪裏遊。清韻似箜篌。瀉出宮商。薊北秋窄。岸不教舟楫至休休。怕有漁人問渡頭。

雜之金荃蘭畹
中今古莫辨

浪淘沙

琴臺

一徑入雲林。瑤草春深層臺更愛獨登臨。夜月沉沉風細細。松韻微吟。千古伯牙心。何處追尋。不知消息到如今。流水高山都在望。誰是知音。

二十四粒
鮫人珠也

錦堂春

釣磯

點點花飛柳岸。重重蘚護漁磯。錦鱗未識垂香餌。依舊戲漣漪。渭水煙波浩渺。嚴陵風景。迷離閒看出處。都成夢。珍重綠蓑衣。

悠然心賞

減字木蘭花

水雲窩

空亭小憩。無數溪山看不已。流水泠泠百轉紆。

徐似有情。輕風相送冉冉和雲歸。古洞雲水蒼茫。遶到天涯去路長。

炎中一讀頓爾清涼

少年游

煙霞窟

碧玉陵嶠石磴斜。半是翠蘿遮。境別人間。情移物外。揮塵拂煙霞。鶯啼燕語春風暖。處處放琪花。日映嵐光。峯迴野色。前路去還賒。

軒軒
霞舉

卜算子

三生杯

三石品列
望之若仙

天半有青峯。轟轟憑虛碧。吸露餐霞等列仙。莫
認江郎石。未了舊時緣。現却空中色。返朴歸
真。太古風。不與時人匹。

信筆處
有天機

武陵春

小龍湫

漠漠蒼煙凝翡翠。深鎖老林巒。雲根別闢近仙
源。光映玉壺寒。掬來清液香浮碧。一飲可長
年。幽深應有蜃龍蟠。靜夜聽談禪。

筆有破
壁之勢

山花子

聽泉樓

千仞巉巖百尺樓。須知佳境冠南州。更愛四時

花。共。放。不。知。秋。檻。外。溪。聲。傳。玉。韻。簾。前。水。色。
逐。雲。流。天。下。滔。滔。皆。似。此。幾。時。休。

字字敲
空作響

朝中措

墨雨菴

禪。扉。靜。掩。晝。初。長。空。色。兩。相。忘。幾。點。松。花。自。落。
一。聲。石。磬。悠。揚。何。來。佛。子。指。揮。如。意。隨。處。西。
江。借。得。硯。池。春。水。散。為。大。地。文。章。

典
雅

青衫濕

獸尸

古。來。多。少。滄。桑。事。無。恙。是。青。山。一。枝。堪。寄。憑。依。
石。畔。趣。在。天。然。流。光。轉。瞬。不。求。知。識。博。箇。幽。
閒。同。吾。所。好。羨。他。愚。谷。美。彼。懸。泉。

綴
大雅

好事近

龍淙石屋

石室自天成。密邇不教穿鑿。幾曲藤蘿繞壁。任
野。花。開。落。日。長。山。靜。老。龍。愁。鳥。語。怕。驚。覺。暗
裏。搬。雲。弄。雨。潤。蒼。生。枯。涸。

不妨道着

浣溪沙

雲川

誰削芙蓉別有天。玲瓏虛敞更悠然。白衣蒼狗

任流連。自在未隨孤鶴去。忘機常伴老僧閒。
風來又引過前山。

似晏小山

菩薩蠻

瀑布

花明草暖鶯聲細。登臨不懶看山意。何處水晶
簾。移來挂翠巖。淙淙聲不息。銀浪飛千尺。靜
洗碧雲天。幽人夢裏寒。

讀之
冷然

杏花天

一草亭

一亭幽敞無塵擾。堪容我披襟長嘯。堦前綠盡。
王孫草。收拾春光多少。檯望眼。山橫水渺。空
斷送。天涯人老。莫教世事縈懷抱。且看。忘機鷗
鳥。

概當似憐有
辛陸之遺音

羅敷媚

小巫峽

幽、奇、却、似、瞿、塘、峽。曉、霧、微、濛。夜、月、輕、籠。一、道、源
流、活、水、通。幽、奇、不、是、瞿、塘、峽。却、是、珠、宮。莫、認
巫、峯、不、許、行。雲、入、夢、中。

靈心
慧筆

醉公子

顛丈

奇峯原足賞。愛爾稱為丈。獨立自悠然。孤雲野鶴間。風清開曙色。雨潤苔痕碧。知已有南宮。千秋佳話中。

起句酷肖稼軒

清平樂

○臥石

何年醉倒鎮日眠。荒草無限。春秋都過了。默默不知昏曉。自來頑鈍。何靈任他多術。初平但。

效希夷高臥。儘教舉世人醒。

流利圓轉如春鶯啼柳頑石亦當呼醒

眼兒嬌

菩提泉

昔僧以念珠擲地泉即湧出故名

曾聞卓錫可通源。又見擲珠泉。綠蕪深處誰教偷。出一片青天。淺碧拖煙清映玉。顧影自生寒笑。他饒舌。菩提明鏡。都是空言。

透悟之語

虞美人

洗鉢潭

探奇不惜芒屨破。隨步穿花過。悠悠曲徑碧雲深。更有一泓潭影對禪心。春菰嫩粟歸香積。都是行人血。百千獅吼梵王宮。偏是不畱餘粒。

餽螭龍

佛家云一粒一飯行人血汗

小令中現兜羅手

蝶戀花

花紅園

綠葉重陰輕霧鎖。纍纍枝頭團玉如肌麼。浪把花稱還是果。清甘嘉與文林可。日日園中經幾過。好設金鈴不許禽來破。摘得香珠千百顆。殷勤供上蓮花座。

意到筆隨有不期然而然之妙

唐多令

石香橋

片石小垂虹。靈洲路可通。暗香流幾點。輕紅浴罷閒。鷗無定意。看荇帶自牽風。山寺遣雲封。疎林度晚鐘。乍歸來。老衲扶筇冉冉。影隨人共去。畱不住。綠波中。

繪風画
影之手

馬書

跋

古今論詩體貴大雅劣纖巧
貴平淡劣豔麗詞體反是故
詩宜用之清廟明堂詞宜用
之閨闈燕私此但一徧之論

而不深達大雅平淡纖巧艷
麗八字之旨者也不知阿閣
華墀莊嚴絢爛各具本色何
嘗不大雅平淡空山流水蒼
松白石何嘗不纖巧豔麗是

數者各各不相入而各各相
到得其意者正不妨向清冷
寂寥之鄉備盡陸離鮮新之
句究無失爲大雅平淡

彭年先生福清洞天題詞實

得斯旨因見示跋之聊爲舉
似若謂箇中人好說箇中話
則固非秃舌所及

嶺南長壽丁翁大汕再跋



二十二年
三月
二十二年

